

earin

37

Jean François Paul de Gondi de Retz

La veritable harangue faite au roy...

UNIVERSITY OF N.C. AT CHAPEL HILL



00023014621

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
3937

3937
LA VERITABLE
HARANGVE
FAITE

AV ROY,
PAR MONSEIGNEVR
LE CARDINAL
DE RETZ,
POVR LVY DEMANDER

la Paix, & son retour à Paris, au
nom du Clergé, & accompagné
de tous ses Deputez.

Prononcé à Compiègne le 12. Septembre 1652.



A PARIS,
De l'IMPRIMERIE de la Veuve I. GUILLEMOT, Imprim-
meuse ordinaire de son Altesse Royale, rue des Marmouzers,
proche l'Eglise de Sainte Marie Magdeleine.
M. D C. LII.

LA VERITABLE

THANKSGIVING

TABLE

A. V. R. O. Y.

PAR MONSIEUR

LE CARDINAL

DE RETZ


OUVRAGE DEMANDÉ

par le Roy pour servir à l'usage de

son Conseil & de son Académie

des Sciences & des Arts

Paris chez la Compagnie des Libraires



LA VERITABLE HARANGVE
*faite au Roy, par Monseigneur le Cardinal de
 Retz, pour luy demander la Paix; & son re-
 tour à Paris, au nom du Clergé, & accompa-
 gné de tous ses Deputez.*



SIRE,

Tous les Sujets de Vostre Majesté, luy peuuent représenter leurs besoins : mais il n'y a que l'Eglise qui ait droit de vous parler de vos devoirs, nous le devons, SIRE, par toutes les obligations que nostre caractère nous impose, mais nous le devons particulièrement, quand il s'agit de la conservation des peuples, parce que la mesme puissance qui nous a estably mediateurs entre Dieu & les hommes, fait que nous sommes naturellement leurs intercesseurs envers les Rois qui sont les images vivantes de la diuinité sur la terre.

Nous nous presentons donc à Vostre Maiesté en qualité de Ministre de la parole, & comme les dispensateurs legitimes des oracles Eternels, Nous vous annonçons l'Evangile de la paix, en vous remerciant des dispositions que vous y auez desia données, & en vous suppliant tres-humblement d'accomplir cet ouvrage si glorieux à V. M. & si necessaire au repos de vos peuples, & nous vous le demandons avec autorité, parce que nous vous parlons au nom de celuy de qui les ordres vous doiuent estre aussi sacrez qu'ils le sont au moindre de vos sujets : mais, SIRE, cette dignité que nous sommes obligez de conserver, &

A ij

944.03

M475m

No. 3937

817423

dans nos actions & dans nos paroles, ne diminuë en rien le respect que nous deuons à Vostre personne sacrée, elle l'augmente au contraire & nous confirme de plus en plus dans vostre seruice, parçe que nous ne scaurions esleuer nostre esprit en pensant que nous auons l'honneur d'estre les premiers sujets de V. M. que nous ne confessions en mesme temps que cette qualité nous oblige encor plus particulièrement que le reste des hommes à vous donner toutes les marques imaginables de nostre obeïssance & de nostre fidelité.

Nous le faisons, S I R E, par des paroles que nous pouuons dire effectiues, puis qu'elles ont esté precedées par des effects. L'Eglise de Paris n'a iamais fait de vœux que pour les auantages de vostre Couronne, & ses oracles n'ont parlé que pour vostre seruice : elle ne croit pas, S I R E, qu'elle puisse donner vne suite plus conuenable à toutes ses autres actions, que la supplication tres humble qu'elle fait presentement à V. M. de donner la paix à la ville capitale de vostre Royaume, parce qu'elle est persuadée que cette paix n'est pas plus necessaire pour le soulagement des miserables, que pour l'affermissement solide & veritable de vostre autorité.

Nous voyons nos campagnes rauagées, nos villes desertes, nos maisons abandonnées nos Temples violez, nos Autels prophanez nous nous contenterions de leuer les yeux au Ciel, & de luy demander iustice de ces impietez & de ces sacrileges, qui ne peuuent estre assez punis par la main des hommes, & pour ce qui touche nos propres miseres, le respect que nous auons pour tout ce qui porte le caractere de V. M. nous obligeroit sans doute mesme dans le plus grand effort de nos souffrances à étouffer les gemissemens & les plaintes que nous causent vos Armes : Si vostre interest, S I R E, encor plus pressamment que le nostre n'animoit nos paroles, & si nous n'estions fortement persuadé que comme nostre veritable repos consiste dans nostre obeïssance, vostre veritable grandeur consiste dans vostre Iustice & dans vostre bonté ; & qu'il est mesme de la dignité d'un Grand Monarque, d'estre au dessus de beaucoup de formalitez qui sont aussi inutiles & mesme aussi preiudiciables en quelques rencontres quelles peuuent estre necessaires en d'autres occasions & V. M. S I R E, me permettra de luy dire à

re avec la mesme liberté, que me donne mon Caractere qu'il n'y en a iamais eu de plus superflus que celles dont il s'agist au-iourd'huy, puis que vous avez tous les aduantages essentiels & puis que vous avez effectiuement les cœurs de tous vos peuples, & c'est en cet endroit, S I R E, ou ie me sens forcé par le secret instinct de ma conscience, de déchirer ce voile qui ne couure que trop souuent dans les Cours des Grands Princes les veritez les plus importantes & les plus necessaires, ie ne doute point, SIRE, que l'on ne vous parle tres differemment des dispositions de Paris, nous les connoissons, SIRE, plus particulierement que le reste des hommes parce que nous sommes les veritables depoi-taires des interets des cōsciences, & par consequent du plus se-cret des cœurs, & nous vous protestons par la mesme verité qui nous les a confiée, que nous n'en voyōs point dans vos Peuples, qui ne soiēt tres cōformes à Vostre seruice, que vous serez, quād vous plaira aussi absolu dans Paris, que dans Compiègne, que rien ne vous y doit faire ombrage, & qu'il n'y a personne qui y puisse partager ny les affections des Peuples, ny l'autorité de Vostre Majesté,, & nous ne scaurions, S I R E, vous justifier cette verité, par des preuues plus claires, & plus conuainquan-tes, qn'en Vous suppliant tres-humblement de considerer qu'il faut bien que vous ayez les cœurs de ceux qui n'attendent qu'un seul de vos regards pour se laisser vaincre. Ie me trompe, S I R E, ie parle improprement, ie sens que ie blesse par ces paroles les oreilles de Vostre Majesté, elle ne veut vaincre que ses ennemis, & ses armes sans doute n'ont point d'autres objets que ceux qu'Henry le Grand Ayeul de Vostre Majesté, choisit dans les plaines d'Ivry. Ie dis qu'il choisit, S I R E, par ce qu'il distingua les François & les Estrangers par cette belle paro-le, qu'il prononça à la teste de son Armee, (sauuez les François) Il fit cette distinction l'espée à la main, & l'observa encor plus religieusement apres toutes ses Victoires. Ce Parlement qui dans les grandes agitations de l'Estat, estoit demeuré dans Paris contre les intentions, & contre ses Ordres, fut continué dans sa seance, & dans ses fonctions par ce grand & sage Prince, dès le lendemain qu'il y fut entré en Victorieux & en triomphant, il fit publier l'Amistie generale le mesme jour dans le Palais, & il semble que ce Prince tout admirable eut crû qu'il eut man-

qué quelque chose à sa Clemence. s'il ne l'eût fait éclatter dans le mesme lieu, ou l'on auoit en quelque rencontre rendu si peu de iustice, & de deference à ses volonte. & il faut auoier que la prouidence de Dieu prit vn soin tout particulier, de couronner sa moderation & sa iustice, par ce que son autorité qui auoit esté si violamment attaquée & presque abatuë se trouua releuée par sa prudence & par sa douceur, en vn poinct & plus haut & plus fixe que n'auoient jamais esté celles de ses Predecesseurs.

Si ie n'apprehendois de donner la moindre apparence d'une comparaison aussi iniuste que seroit celle d'un siecle furieux, & qui attaqu pour ainsi parler la Royauté dans son trône, & de ces derniers temps ou il faut auoier que les intentions des Sujets de V. Maesté, n'ont rien eü de semblable ny d'approchant. Je dirois, SIRE, en cette occasion ce que l'on deüroit dire à mon sens dans toutes les rencontres de vostre vie que vous suirez sans doute les vestiges de ce grand Monarque, & que vous n'aurez pas moins de bonté pour vne grande ville qui vous offre avec ardeur le sang de tous ses Citoyens, pour le respendre pour vostre seruice que le grand Henry n'en eut pour des sujets rebelles qui luy disputoient sa couronne & qui attentoient à sa vie.

J'ay, SIRE, vn droit tout particulier & domestique de vous proposer cét exemple, dans cette fameuse conferance, qui fut tenuë dans l'Abbaye de S. Antoine au Fauxbourg de Paris, le Roy Henry le Grand dit au Cardinal de Gondy, qu'il estoit resolu de ne s'arrester à aucune formalité dans vne affaire ou la paix seule estoit essentielle, ie ne connoistrois nullement le merite & la valeur de ce discours, si ie pretendois le pouuoir orner par des paroles, ie me contente, SIRE, de le rapporter fidelement à V. M. & de le rapporter avec le mesme esprit que le Cardinal de Gondy la receu.

Ainsi, SIRE, en imitant & la moderation & la prudence de ce grand Monarque, vous regnerez d'un regne semblable à celui de Dieu, parce que vostre autorité n'aura de bornes, que celles qu'elle se donnera a elle mesme par les regles de la raison & de la iustice. Ainsi vous reestablirez solidement l'autorité Royale, dans laquelle consiste veritablement le repos, la seureté & le bon heur de tous vos sujets. Ainsi vous reünirez les

cœurs de tous vos peuples partagez partant de factions différentes, & dont la diuision ne sera iamais que fatale à vostre seruice. Ainsi vous reünirez toutes vos Compagnies Souueraines dans ce mesme lieu, où elles ont soustenu avec tant de vigueur, & avec tant de gloire les droicts de vos Ancestres. Ainsi vous reünirés la maison Royale. Ainsi vous aurez dans vos Conseils & à la teste de vos armées, Monsieur le Duc d'Orleans dont l'expérience, la moderation & les intentions absolument desintéressées, peuuent estre si vtils & sont si necessaires pour la conduite de vostre Estat. Ainsi vous y aurez monsieur le Prince si capable de vous seconder dans vos conquestes.

Et quand nous pensons, SIRE, qu'un seul moment peut produire tous ces aduantages, & quand nous pensons en mesme temps que ce moment n'est pas encore arriué; nous sentons dans nos ames des mouuemens meslez de douleur & de ioye, d'esperance, & de crainte. Quelle apparence que la fin de nos maux ne soit pas proche, puis qu'ils ne tiennent plus qu'à quelques formalitez legeres, & qu'un instant peut assoupir, quelle apparence qu'elles ne fussent pas desia terminées, si la Iustice de Dieu ne vouloit peut estre chastier nos pechez & nos crimes par des maux que nous endurons contre toutes les regles de la Politique, mesme la plus humaine. Il est, SIRE, de vostre deuoir de preuenir par des actions de pieté & de Iustice les chastimens du Ciel qui menacent un Royaume dont vous estes le pere. Il est, SIRE, de vostre deuoir d'arrester par vne bonne & prompte paix le cours de ces prophanations abominables qui deshonnorent la terre, & qui attirent les foudres du Ciel, vous le deuez comme Chrestien, vous le deuez, & vous le pouvez comme Roy.

Vn grand Archeuesque de Milan porta autrefois cette parole au plus grand des Empereurs Chrestiens dans vne occasion moins importante, que celle dont il s'agit presentement, & qui regardoit moins les interesses de Dieu, l'Eglise de Paris vous la porte auiourd'huy, SIRE, avec plus de sujet, & Dieu veuille le que ce soit avec autant de succez. Dieu veuille inspirer à Vostre Maiesté la resolution & l'applicatiõ de ce remede si prompt & si salutaire qui consiste dans son retour à Paris que nous vous demandons, SIRE, avec les respects que vous doiuent des Sa-

iets tres-soumis : mais avec tous les mouuemens que peuuent
 former des cœurs passionnez pour le veritable seruice de Vostre
 Maiesté, & pour le repos de son Royaume. Ainsi, S I R E, dès
 le commencement de vostre vie, vous accomplirez vn des plus
 considerables poincts du Testament du plus grand & du plus
 saint de vos Predecesseurs. Saint Louys estant à l'article de
 la mort, recommanda tres-particulierement au Roy son fils la
 conseruation des grandes villes de son Royaume, comme le
 moyen le plus propre pour conseruer son autorité. Ce grand
 Prince deuoit ces sentimens si raisonnables & si bien fondez à
 l'éducation de la Reyne Blanche de Castille sa mere, & Vostre
 Maiesté, S I R E, deura sans doute ces mesmes maximes aux
 Conseils de cette grande Reyne qui vous a donné à vos peup-
 les, & qui anime par des vertus qui sont sans comparaison, &
 sans exemple le mesme sang qui a coulé dans les veines de Blan-
 che, & les mesmes auantages qu'elle a autrefois possédé dans
 la France.

F I N



